

# Zelamekî Şelel



Rojek ji roja ‘Îsaî ders digutine xelkî, hindek ji wan ferîsî [serukêt dînî] u mamostayêt desturî bîn. Ew xelke ji hemî gundêt Celîl u Yehudî u Urşelîmê hat bîn u hîngê şîana Xudanî dîar bî da wana sax bikît.

Hindeka miruvek şelel [seqet] di nav nivîna da helgirti bî; ewan divîa bibîne jur u danine ber ‘Îsaî. Demê ewan neşîaîn ji ber buşatîê biçîne jur, îna birine ser banî u di nav bera li bina ra u li ser nivîna da hêlane xwarê, di nîva buşatîê da u li ber çavêt ‘Îsaî. Demê ‘Îsaî

bawerîa wan dîtî, gut: “Ey miruv gunnehêt te hatine bexşandin [daqutandin].

Îna ferîsîa u mamustayêt desturî hizirêt xu kirin u gutin: “Eve kî ye axiftinêt bi gunneh dîkî? Kî dişêt gunneha bibexşît [daqutît] heker Xwidê nebit?”

Belê ‘Îsaî zanî ew çi hizir dîkin vêca bersiva wan da: “Hîn çi hizira dî dilê xu da dîkin? Kîşk bi sanahîtir e, heker bêjim, “Gunnehêt te hatine bexşandin [daqutandin]”, yan bêjim, “Rabe

u bi rê ve here!”? Belê min ew tişt gut da hîn bizanin Kurrê Miruv li ser erdî şîana bexşandina [daqutandina] gunneha heye.” U gute ewê şelel, “Dibêjim te nivînêt xu hilgire u here mala xu.” U di cih da li pêş çavêt wan rabî u nivînêt xu rakirin u pesna [supasîa] Xwidê kir u çû mala xu.

Hemî guhişîn u tirsê girtin u pesna [supasîa] Xwidê kir u gutin: “Evru me tiştê hînêr [bêbawerî] dîtin.”

- Mizgînîa Luqâ 5:17-26